

陶雲汀先生奏疏

奏疏卷五十二目錄

江督稿

安化陶澍

查明江省並無遏糶及動用捐款摺子

動用賑餘息銀省城煮賑摺片

提鎮司道府年終出考摺子

籌議巡洋會哨章程摺子

查訊寧都州王牧稟挈朱逆各情摺子

覆查楚西現賣鹽價摺子

請將兩淮試用大使帥宗榆儘先補用摺片

保舉堪勝總兵摺子

冬雪放晴暨漕船出江清高於黃各情形摺片
覆奏查明常郡被災普緩情形摺子

查明江省並無過糶及動用捐款摺子

奏爲遵

旨確查據實覆

奏仰祈

聖鑒事竊

臣

於道光十三年九月二十九日承准軍

機大臣字寄欽奉

上諭給事中章沅奏稱江蘇上元縣等處本年八月間江潮異漲城鄉均被淹浸該處山鄉尙多成熟惟向來有收各處私禁米穀出鄉卽業戶之田坐落他境及滁和等州界內者所收穀石輒被本境

阻遏不准運回歉區匪徒因而肆搶滋生事端省
城市價由此騰踴民食愈形支絀如果屬實必應
嚴行禁止著陶澍查明示諭遇有率衆阻截及藉
端搶奪各犯嚴拏懲辦並飭委員弁將私囤米穀
提出本境毋得任其囤積又據奏稱該給事中於
道光十一年間在籍董辦捐輸義賑剩存捐銀六
千兩合之嘉慶十九年捐賑原存本息銀共四萬
六千兩呈請發典生息永爲城廂備荒之用毋許
他項那移現聞承領典商希圖輕減存銀懇恩縣
官出示指名修理圩堤等項顛預提用是否實有

其事著陶澍確切查明秉公覈辦毋稍徇隱等因
欽此遵

旨寄信前來 臣當卽欽遵轉行確查去後據江寧陞
任藩司趙盛奎詳稱本年夏秋之間江屬各縣
沿江沿河田畝被水成災而高田早稻尙多成
熟鄉間無須過糴至業戶之田所收穀石爲一
年生計所關若因坐落他境或滁和等州界內
卽被本境阻遏不准運回甚至被匪肆搶該業
戶豈肯緘默不言勢必紛紛控告今遍查各衙
門並無似此呈控之案則尙無被阻被搶情事

可知又江寧縣沙洲圩田於本年七月間首先
被淹經該縣週歷察看實因濱臨大江地勢最
低經道光十一年大水之後圩埂衝矮堤身單
薄擬加高培厚以資捍禦由該縣出示曉諭割
廉倡捐興辦爲來春以工代賑之舉其時上元
縣破圩甚少尙未議及江邑雖有此議亦未興
工並無提用存典捐款之事况典商連遭歉歲
民間有典無贖需本更多正待籌措何肯將已
存之本希圖輕減卽縣中出示在籌捐不在動
款斷非典商所能慫恿當經傳詢各典委無其

事竝照錄倡修沙洲圩田曉示稿詳送請

奏前來

臣

查道光十一年捐賑餘剩銀兩同嘉慶

十九年原存本息共銀四萬五千九百三十六兩零疊經

奏明係上江兩邑紳士公捐專爲城廂備荒之用不准他項那移由府轉發各典商承領生息斷非江邑一處所能顧預指提另作修圩之費隨查核曉示稿旣未敘有提用捐項字樣而在典銀兩亦並未動用絲毫是議捐修堤圩屬實而指名那款係出訛傳並無其事至今歲夏秋間

沿江圩田雖經被災高田尙望有收民間糧價
不過微有所增尙非騰踊鄉城米穀流通業戶
收穀亦無阻遏肆搶等事惟自九十月來雷雨
交加繼以風雪以致各屬可冀中稔田地轉爲
歉收現在糧價日增而鄰近省分亦多災歉民
間口食實屬可虞因思滁和一帶上年曾有不
准米穀出境之事經臣先後嚴飭通行在案今
歉收較廣需米較多誠恐滁和等處故智復萌
惟有嚴切示諭不准遏糴並飭各屬隨時訪查
如有刁民囤積居奇卽嚴拏懲辦以期米穀流

通俾災區得資接濟仰副

聖主厯念民依之至意理合恭摺覆

奏伏乞

皇上聖鑒謹

奏

道光十三年十二月初九日具

奏十四年正月初八日奉到

硃批知道了欽此

動用賑餘息銀省城煮賑摺片

再臣於十一月十八日自清江浦起身由水路至鎮江起旱二十七日回省沿途察看近江田畝尙多積水卽稍高處所農民已經翻犁者因連次雨雪尙未種麥已種者亦多漬浸被傷迨到省之後迄今又及旬餘天氣嚴寒非雨卽雪目睹陰霾勢未能播種春耕今爲時已遲卽使趕緊晴霽春收恐多失望殊不勝焦灼之至而窮民之凍餓者尤指不勝屈現查江寧揚州等府屬業經勘定災分彙案

奏准給賑而江寧城廂向爲例賑所不及現在民情拮据口食無資惟有買米煮賑庶幾無告窮民得資果腹不致有路殍之患查江寧府上江兩縣嘉慶十九道光十一等年捐輸義賑餘剩其銀四萬五千九百三十餘兩前經發典長年一分生息畱爲城廂備荒之用嗣又續存捐項六千餘兩湊足四萬六千兩每年得息銀四千六百兩如遇荒歉動息不動本經

臣

奏定在案茲據署江寧布政使積拉明阿詳據江寧府知府善慶詳據義賑局董事稟請飭令典

首將本年應繳息銀四千六百兩照數提出歸
董事採買米石設廠煮粥賑恤貧民等情當卽
批准發給竝令督率紳董妥爲辦理誠恐銀數
無多不足以資接濟臣復捐廉倡率竝上江兩
縣年例匣費煮粥銀兩一併交給義賑局設廠
散放現自開廠以來就食者日以四五萬計且
望風而來日聚日多前項銀兩尙恐不敷臣惟
有察看情形與道府等熟商如必須再爲添辦
當另行籌款給發斷不使窮黎絕食以仰副

聖主軫念民依至意所有照案動用賑餘息銀緣由

謹會同江蘇巡撫臣林則徐合詞附片陳明伏
乞

聖鑒謹

奏

道光十三年十二月初九日具

奏十四年正月初八日奉到

硃批務須設法盡心妥辦欽此

提鎮司道府賢否摺子

奏爲密陳提鎮司道府考語仰祈

聖鑒事竊照提鎮司道府等官例應於年終出具切實考語密行陳

奏臣蒙

恩命畀任兩江已逾三載無刻不以勤求吏治整頓營伍爲念所有文武大員均關表率隨時隨事考察不敢不周所有江蘇各員性情才識較易知悉卽江西安徽兩省距江寧稍遠或因公接晤或接閱稟詳竝詢訪政績博採輿情均可得

其梗概除壽春鎮總兵果勒明阿江寧布政使
楊簧江西督糧道王兆琛松江府知府李昭美
鎮江府知府汪忠增鳳陽府知府卞士雲吉安
府知府蔡勳均尙未到任江蘇按察使南昌府
知府現在懸缺安徽道唐鑑臨江府知府于公
槐均到任未及三月或無憑填註或尙須察看
外其餘各員及應行迴避卸事之太平府知府
唐業謙請補瑞州府知府現在署印之陳煦均
臣素所深悉謹就臣所見出具切實考語另繕
清單恭呈

御覽伏乞

皇上聖鑒謹

奏

道光十三年十二月初九日具

奏十四年正月初八日奉到

硃批單畱覽欽此

御覽

謹將道光十三年分江蘇安徽江西三省提鎮
司道知府出具切實考語敬繕清單恭呈

計開

江南提督段 琨

四川進士

蘇松鎮總兵關天培

江蘇行伍

狼山鎮總兵姜長齡

鑲藍旗漢軍雲磨使

徐州鎮總兵惠普恩

山東行伍

江西九江鎮總兵施聯科

雲南行伍

江西贛州鎮總兵張佑溪

安徽武舉

蘇州布政使陳

鑾

湖北進士

安徽布政使佟景文

鑲黃旗漢軍進士

江西布政使桂

良

正紅旗滿洲貢生

安徽按察使蔡世松

江蘇進士

江西按察使程懷璟

湖北拔貢

兩淮鹽運使俞德淵

甘肅進士

江安督糧道周繼炘

順天舉人祖籍浙江

江寧鹽巡道積拉明阿

正白旗滿洲筆帖式

河庫道李湘茝

山東拔貢

淮揚道王貽象

山東捐職

淮海道文 麟 正藍旗滿洲舉人

徐州道李國瑞 河南舉人

蘇松督糧道陶廷杰 貴州進士

蘇松道吳其泰 河南進士

常鎮道李彥章 福建進士

廬鳳潁道周天爵 山東進士

江西鹽法道余正煥 湖南進士

江西贛南道李象鵬 湖南進士

江西饒九道德 順 內務府正黃旗漢軍官學生

江寧府知府善 慶 內務府正黃旗蒙古繙繹進士

淮安府知府周

燾

貴州貢生

揚州府知府豫

益

鑲黃旗漢軍進士

徐州府知府武陵漢

陝西舉人

蘇州府知府沈兆澐

直隸進士

常州府知府汪

河

江西進士

安慶府知府胡調元

福建副榜

徽州府知府劉亨起

順天進士

寧國府知府延

齡

正紅旗滿洲舉人

池州府知府吳

琪

順天供事原籍江蘇

太平府知府唐業謙

湖南進士

廬州府知府桂

慶

鑲黃旗漢軍世襲

潁州府知府馬志燮

浙江進士

請補瑞州府知府陳

煦

四川進士

袁州府知府熊象階

安徽拔貢

撫州府知府劉體重

山西舉人

建昌府知府董斯福

江蘇監生

廣信府知府銘

憲

鑲黃旗漢軍進士

饒州府知府方傳穆

安徽進士

南康府知府何增元

四川進士

九江府知府張

寅

安徽進士

卷之三十一
贛州府知府汪云任 安徽進士

南安府知府李廷錫 湖北進士

籌議巡洋會哨章程摺子

奏爲遵

旨嚴飭巡洋員弁實力巡哨定議勸懲章程以肅洋

政恭摺奏祈

聖鑒事竊臣接准兵部咨欽奉

上諭御史周彥奏慎重海防一摺嗣後務當嚴飭所屬各按定期巡洋會哨並責成該管巡道臨時查察取結至各營弁兵尤應勤加練習技藝嫻熟悉成勁旅不致視洋面爲畏途出洋戰船是否應需修造沿海礮臺額數查明築自何年安設何汛舊

貯礮位幾尊防守兵丁是否足額詳細造冊報部
備查倘仍畏葸偷安操防疎懈定將該督撫提鎮
等從嚴懲處等因欽此欽遵咨行查照臣查外海
水師責在巡洋如果統巡總巡分巡各員認真
會哨履險如夷盜船焉能游奕夷船亦何能乘
風駛入內境洋面誠恐各該巡員實不免有畏
葸偷安情事當經照飭蘇狼兩鎮嚴督水師弁
兵勤加練習使其熟諳水性並按期親赴洋面
當面取結會哨確查戰船礮臺安設礮位及防
守兵丁是否足額開造清冊呈送並飭藩臬兩

司會同巡道悉心覈議勸懲章程詳覆覈辦去
後茲據該司道等會議詳覆前來臣查江南洋
面南方以大羊山馬蹟山爲界與浙省毘連再
南爲閩粵洋境又與暎咭喇各國海舶相通東
方以與浙省相接之盡山爲界此外爲深水大
洋可通

盛京山東與朝鮮諸國其西爲吳淞口岸北爲大
安戲臺等沙再北卽爲內地海洋之中有奈山
又東北由鹽城縣起橫亘千里直抵北洋其沙
尖與鶯遊山相對沙尖以南屬江南沙尖以北

屬山東卽以鶯遊山爲界此洋境四至之大概情形也江南省水師設有蘇松狼山兩鎮蘇標管轄中左右奇四營均屬外海營分狼標管轄中左右掘港泰州泰興三江七營又兼轄漕河標鹽城廟灣東海三營內除中左二營係內河泰州泰興三江三營係陸路其餘均爲外海營分其官各設一總兵其屬自副叅以下其分轄洋面由馬蹟山北至柰山爲外洋崇明北面之戲臺沙爲內洋係蘇鎮所轄柰山以北至大安戲臺等沙爲外洋又由大安戲臺等沙以北爲

內洋係狼鎮所轄陸路則有吳淞崇明等處礮臺兵房水師則有大船小哨濶頭舳板等戰船以資駐防駕馭此該兩鎮管轄之營分洋面礮臺墩防戰船之大概情形也該兩鎮赴洋巡哨均遵照定例以三月爲一班每班分春夏秋冬四季以兩鎮總兵爲統巡副叅遊擊等官爲總巡都守以下爲分巡委巡各按界址督率員弁兵丁駕馭戰船攜帶器械於內外洋面輪流巡查蘇松鎮於每年五月十五日親往大羊山洋面與浙江定海鎮會哨一次松太道豫赴會哨

處所俟兩鎮到齊取結詳報又蘇鎮委員每月於柰山洋面與狼鎮員弁會哨一次狼鎮委員每月於大安戲臺等沙洋面與蘇鎮營員會哨四次又於柰山洋面與蘇鎮委員會哨一次蘇鎮與狼鎮因分界之柰山及戲臺沙等洋面僅隔百餘里既有各員弁按月會哨且該鎮等駐劄衙門均離海較近故兩鎮向未親自會哨又狼鎮兼轄自鹽城縣起之洋面亦以狼鎮爲統巡遶派鹽城等三營員弁按季在洋輪巡鹽城營與掘港營會哨廟灣營與鹽城營會哨又與

東海營會哨東海營與山東登州營會哨此該
兩鎮赴洋巡哨之大概情形也伏思本省防海
定例已極詳明辦理向無錯誤乃上年尙有暎
咭喇夷船潛入江省洋面驅行後復由山東折
入之事雖江境洋面遼濶海路又四通八達防
禦較難而該夷人意圖交易去後復來若不申
明舊例酌定章程何以鼓勵弁兵綏靖海洋現
奉

聖訓指示周詳欽遵劄飭司道會議除戰船均係按
例修造並無虧朽礮臺營房因上年雨水較多

間有坍塌現由藩司分飭管轄州縣會營趕緊
勘估興修此後遇有損壞亦卽隨時修理務使
一律完好以資防汛弁兵棲宿再戰船數目暨
礮臺年分地址礮位兵丁數目現據蘇狼二鎮
造具清冊咨部備覈其統巡總巡分巡分班出
洋巡哨浙江定海鎮於五月十五日與江南崇
明鎮卽蘇松鎮會哨於大羊山責成該管之松
太巡道預赴會哨處所當面取結向係遵照定
例辦理毋庸再議惟會哨定期時倘風大難行
例准該提鎮選定日期預行關會但關會無一

定期限而到洋恐不免參差應請嗣後定海鎮
與蘇松鎮五月十五日例應會哨之期將是否
風大難行有無改期情由約計除去行文程限
及赴洋日期於五日前先行移知松太道前往
取結按例辦理一面將公出緣由申報查覈如
此酌定章程庶巡防益昭詳密而巡道亦無羈
候之虞至出巡弁兵全在熟悉水性不畏風濤
尤應教其熟識沙線方能經歷重洋若不明定
章程不足以資勸懲應請嗣後隨帶會哨營弁
千把等官除於會哨期內如有挈獲盜匪奸船

例應議敘及遇有失事托故不行例應降罰均遵照定例辦理外仍令該管遊擊守備於統領出巡時畱心察看如果熟諳水性不畏風濤准於每哨一次記功二次於每季換班時詳報上司存覈得有記功八次如係千總卽照外海水師千總俸滿例由督臣提臣嚴加考覈發交統巡大員帶領出海試驗屬實准其保送如係把總酌照千總俸滿例由副叅將巡道嚴加考覈詳明總督提鎮飭交隔營副將等將帶領出海試驗屬實准其拔補千總如有不諳水性畏懼

風濤每次予以記過二次亦於換班時詳報積至記過八次亦由該管上司詳明總督提鎮飭令交給本營副叅等將考驗如技藝亦無可觀者卽行斥革如弓馬尙屬可觀准其收撥陸路其守備以上各官均由該管統巡隨時察看詳記檔冊於保薦案內聲明聽候覈辦至於所帶兵丁令該管官於統領出巡時畱心察看如有熟諳水性不畏風濤者每一次亦准其記功二次於換班時報明存案積有記功八次遇有外委缺出秉公考驗無論技藝多寡儘先拔補如

係不諳水性畏懼風濤每一次亦記過二次於
換班時具報積至記過八次如技藝亦無可觀
者卽行革伍若技藝尙可造就亦准改撥陸路
其舵工如給有舟師外委委牌者卽照把總例
辦理如未給有委牌者卽照兵丁例辦理如此
立定章程庶弁兵均知奮勉而水營益昭嚴肅
總之陸師以操演弓馬爲先水師以巡歷洋面
爲重江省蘇狼兩鎮水師旣由統巡總兵督率
官弁兵丁按例赴洋會哨所帶弁兵又由各上
司各該管官詳報功過其蘇松鎮與浙省定海

鎮會哨之時松太道親往取結戰船礮臺營房
均係隨時修造整頓極其周密自不敢視爲具
文虛應故事惟欲令弁兵之巡洋得力尤在提
鎮大員欽遵

諭旨查照定例轉飭副叅都守各員督率弁兵隨時訓練使其技藝嫻習不畏波濤且預識風沙水線一旦隨同巡哨自能駕船下海若履平地近可以緝捕盜賊遠可以威攝外夷糧餉不患虛糜舟師悉歸有用倘或統巡總巡分巡及取結各官並不親身督率前往礮臺等項並不隨時

修理一有覺察臣惟有覈實嚴叅以仰副

聖主整頓海洋之至意除將蘇狼兩鎮送到清冊咨

部查覈外所有籌議緣由謹會同江蘇巡撫臣

林則徐江蘇提督臣段琨合詞恭摺具

奏伏乞

皇上聖鑒勅部覈覆施行謹

奏

道光十三年十二月初九日具

奏十四年正月初八日奉到

硃批兵部議奏欽此

道光十四年二月十六日准兵部咨送覆

奏摺稿內稱臣等復查巡洋員弁果能熟諳水性

不畏風濤於巡哨期內並無失事案件自應酌予記功應請照該督所奏嗣後每哨一次准其記功二次如記功至八次者無論俸滿與否係千總由總督提鎮嚴加考覈發交統巡大員帶領出海試驗屬實卽報明總督出具考語咨部由部覈明准其送部引

見其把總記功獎拔千總及守備以上等官詳記檔冊於保薦案內聲明之處均應如該督所奏辦

理該督又稱如有不諳水性畏懼風濤每次予以記過二次於換班時詳報積至記過八次由該管上司詳明總督提鎮飭令交給本營副叅等將考驗如技藝亦無可觀者卽行斥革如弓馬尙屬可觀准其改撥陸路至於所帶兵丁如有熟諳水性不畏風濤者每一次亦准其記功二次於換班時報明存案積有記功八次遇有外委缺出秉公考驗儘先拔補如係不諳水性畏懼風濤每一次亦記過二次於換班時具報積至記過八次如技藝亦無可觀者卽行革伍

若技藝尙可造就亦准改撥陸路等語臣等查巡洋捕盜責任綦重若有不諳水性畏懼風濤者卽係洋面不得力之人未便令其隨巡四次虛糜糧餉應請嗣後出哨人員由總統各官察看如果不諳水性畏懼風濤初次准其暫行記過仍令下次再行出洋試看倘仍不得力卽行改撥陸路令其習練弓馬以觀後效至兵丁記過之處亦查照千總等官一律辦理如有熟諳水性不畏風濤記功儘先拔補外委之處卽照該督所奏辦理至該督聲稱舵工如給有舟師

外委委牌者請照把總例辦理如未給有委牌者請照兵丁辦理臣等查例載舵工如果熟悉海洋駕駛事宜准其給予舟師外委之牌照額外外委之例造冊咨部遇有經制外委缺出一體遴選拔補今該督請以巡洋舵工如給有舟師外委委牌者卽照把總例辦理與例未符應仍令該督查照定例辦理俟

命下之日臣部行文兩江總督及有洋各地方督撫一體遵照併令該督撫等將記功記過人員均各隨時報部以備查覈其統巡總巡分巡及取

結各官若有不親身督率前往及濫行保送扶
同狗庇併礮臺等項不隨時修理者一經覺察
卽令該督撫隨時覈實嚴叅以重海防而肅洋
政等因道光十四年正月十三日具

奏本日奉

旨依議欽此

查訊寧都州王牧稟挈朱逆各情摺子

奏爲遵

旨研詰冒昧具稟之知州請

旨交部察議仰祈

聖鑒事竊

臣

承准軍機大臣字寄奉

上諭據魏元烺奏查明閩省並無朱毛俚踪跡亦無
僞封官職及溯查接遞信函緣由一摺前因江西
寧都州知州王泉之在安徽稟稱朱毛俚在安徽
勾結山東河南匪徒滋事竝接准新建縣轉准進
賢東鄉等縣信稱教頭朱毛俚在逃應通飭嚴拏

等情當經鄧廷楨根查嚴緝茲據魏元烺奏稱密
派幹員周咨查訪並無朱毛俚影響亦無偽封官
職之事其三次信函沿途傳遞並非印文亦不存
卷無由細查等語朱毛俚係嘉慶十九年間江西
逆案內通緝要犯日久未獲王泉之所稱接遞三
信本難憑信且該州從前相驗無名男屍檢獲腰
牌假票蓋有偽印似篆非篆不能辨認是該州所
稱非朱毛俚潛謀煽惑卽有別項匪徒謀爲不軌
本係臆度之詞上年所稟竟指腰牌爲朱逆之物
前後已相矛盾且據江西查明與朱毛俚案內偽

封官職龍文憑票均不相同如果逆夥潛匿州境
是該員失於查察已非一日及至檢獲牌票迄今
九年之久尙不能訪查的實獲犯破案乃忽稱安
徽潁州府爲朱毛俚逋逃之藪又稱閩省汀州建
陽爲朱毛俚潛匿熟徑究竟遁跡何方又不能切
實指明一味浮詞通稟其意何居著陶澍卽將王
泉之調赴省城將所稟各情逐加研詰務得確據
毋任稍有支飾據實具奏將此諭令知之欽此遵
旨寄信前來

臣

當卽咨會江西撫

臣

周之琦遴員前

往寧都州接印署理一面劄調王泉之迅速來

江聽候傳訊去後旋經王泉之於十月間稟報到省其時臣尙在清江浦卽劄委陞任藩司趙盛奎先行查訊茲臣自浦旋省復傳王泉之親自研詰將欽奉

聖明指出各層責令據實登答如要犯日久未獲該州所接三次信函均非印文本難憑信一節據王泉之供所接三函雖非印文然外封均蓋有印似卽與公文無異且因上年曾閱邸報欽奉上諭御史陳焯奏請整飭吏治一摺所奏是從來稂莠不去嘉禾不生而莠民中惟會匪之惑人最甚

州縣一有見聞卽認真查辦自可盡絕根株我職
爲州縣旣接有信函卽屬已有見聞是以通稟
查辦嗣接安徽撫院行知查有道光七年潁州
府辦理王會隴等習教傳徒一案曾供老教主
朱毛俚藏在朱文友家令伊等磕頭等語拏獲
各犯復經審明係朱彥輔假冒朱毛俚誑錢並
非實有其人將各犯照例問擬

奏結在案是則傳遞信函所稱朱毛俚在逃拏獲
王會隴等十二名想係初發覺時不辨真僞恐
各犯遠颺故有此信通知此外新建廣昌傳遞

兩信亦係由前途傳來是以照信轉稟非敢憑
空杜撰等語又詰以該州相驗無名男屍檢獲
腰牌假票蓋有偽印似篆非篆不能辨認是所
稱非朱毛俚潛謀煽惑卽有別項匪徒謀爲不
軌本係臆度之詞何以上年所稟硬指牌票爲
朱逆之物前後自相矛盾據王泉之供相驗無
名男屍時據地保胡敏捷供其生時聽係福建
汀州口音因憶及嘉慶十九年舉發朱逆一案
其僞封官職大率類此因事係臆度故稱非朱
毛俚潛謀煽惑卽別項匪徒謀爲不軌通稟江

西本省移知福建汀州府嚴拏復憶及進賢縣
從前所辦朱逆檔案內有要犯邱天澤爲從之
僧滌明會搜出偽印一方竝逆詞劄付及朱逆
刻造之龍文憑票皆照摹附卷隨即抄謄回州
將檢獲無名男屍之偽印比對不甚懸殊又劄
付內所封偽官偽票內所寫名目字樣皆與朱
逆從前偽封逆詞內相同是以續稟福建指爲
朱逆所爲等語又詰以如果朱毛俚案內偽封
官職何以龍文憑票均不相同據王泉之供龍
文憑票乃朱逆給與逆夥糾邀入黨之件偽封

官職用劄付木印前所獲劄付木印業已銷燬
惟我在進賢縣時搜拏從逆之邱天澤等所得
偽印劄付照摹附卷以檢獲之偽印比對印文
彷彿相同等語又詰以逆夥潛匿州境已非一
日該州並不自咎失於查察迨檢獲牌票至九
年之久又不能訪獲破案乃忽稱安徽潁州府
爲朱毛俚逋逃之藪又稱閩省建陽爲朱毛俚
潛匿熟徑輒欲誘過於人原稟朱毛俚時隱時
現他處巧爲消弭從何指實又據王泉之供稱
道光四年十二月十一日抵寧都州任卽於是

月十七日相驗無名男屍檢獲牌票當卽通報
尙在抵任七日之內實未敢心存諱匿掩飾了
事迨在任九年刻刻提防並稟移各處堵拏柰
不能訪實破案亦屬計無所施因所接三次信
函均稱朱毛俚在潁州府傳教信自上站傳來
王會隴等既有其案而拏獲王全慰等十二名
教頭朱毛俚在逃之信亦自上站傳來或接據
安徽靈璧或接據福建崇安實不知起自何人
從前查辦朱逆時江西巡撫阮元片奏內有各
犯逃往福建浦城之供彭海山一犯亦欲逃往

福建經委員在界近閩省挈獲是以稟稱福建
爲潛匿熟徑安徽爲遁逃之藪三次信函皆稱
朱毛俚脫逃而各省俱未見獲辦所以有朱毛
俚時隱時現他境消弭之稟別無他意等語又
詰以該州如果認真訪查何以不能指出朱毛
俚踪跡全以浮詞通稟令其實供據王泉之供
我僅管一州不過因接有信件深恐重犯潛跡
是以稟請挈辦其遁跡何方實難指出亦非有
意浮詞通稟等語覆加究詰王泉之總以稟出
有因且欲挈獲重犯起見並非張揚邀功亦不

敢有心混稟至再至三矢口不移臣查此案王
泉之所稟沿途傳信自係皖省初獲王會隴等
本有朱毛俚藏匿教誘之供因而各路通知冀
圖獲犯王泉之但見信函而不知皖省業已審
明辦結遂誤疑皖省爲隱匿不辦且指安徽爲
朱毛俚逋逃之藪竝以從前辦案時有各犯逃
往福建之奏卽指福建爲朱毛俚潛匿熟徑雖
推原其故不過欲圖獲犯自附於除莠急公之
義而不知措詞過激已鄰迂謬雖所稟在未接
皖省行知之先亦非盡出無因究屬冒昧相應

請

旨將王泉之交部察議以示懲儆除飭令仍回江西
省城聽候

諭旨飭遵外所有逐加研詰各情理合據實覆

奏伏乞

皇上聖鑒謹

奏

道光十三年十二月初九日具

奏十四年正月初八日奉

硃批另有旨欽此同日奉到十三年十二月二十四

日內閣奉

上諭前降旨令陶澍將王泉之調赴省城將所稟各情逐加研詰毋任支飾茲據陶澍奏逐層研詰該知州並非張揚邀功不過欲圖獲犯自附急公所稟雖非無因究屬冒昧王泉之著交部察議欽此

覆查明楚西現賣鹽價摺子

奏爲遵

旨查明楚西現賣鹽價恭摺覆

奏仰祈

聖鑒事竊臣承准軍機大臣字寄道光十三年十一月初九日奉

上諭有人陳奏江西湖廣各州縣官鹽價昂每觔制錢六十文至七十餘文而私鹽每觔不過三十餘文民間扞法食私地方文武員弁任聽該商昂價漁利絕不禁止其爲得規庇縱無疑等語商人私

擡鹽價本干嚴禁近年一切陋規浮費概行裁革
商本既輕鹽價即可平減若如所奏官鹽價昂幾
至私鹽一倍有餘私梟乘間而入勢必官引滯銷
課款不能足額著陶澍等嚴飭各該地方文武員
弁於新定章程實力奉行不得仍前收受商人陋
規任聽昂價倘查有得規庇縱情弊卽行嚴叅懲
辦竝著照現在銀價覈定每鹽一包應值制錢若
干通行曉諭不准踰越俾鹽價平減官引暢銷以
期鹺務漸復舊規將此諭令知之欽此仰見

皇上整頓鹺綱因利除弊之至意

臣

伏思鹽利與米

穀竝重均爲民生日用所必需其所以利於食
私者皆因官鹽價貴之故是以欲振鹽綱莫如
減價敵私一策而於江廣尤宜何以言之天下
之鹽課或數萬十數萬多者數十萬止耳而淮
鹽伯什倍之其數抵數省之地丁而有餘而行
銷六省實則爲地無幾如江南之蘇松常鎮太
倉徽廣例食浙鹽徐宿例食東鹽淮揚逼近場
竈食鹽甚少往往融銷楚岸皖北各屬與豫省
毗連之處皆食淮北海州之鹽其課亦微其食
淮南鹽者蘇省惟江寧一府皖省則沿江之安

池寧太和椒而已是以積重之勢全在湖廣江西而江西之廣信則食浙鹽贛州南安寧都與湖南之郴州桂陽皆食粵鹽湖北之施南食川鹽其餘多爲鄰私所侵灌如衡永寶靖之於粵荆宜之於川襄鄖之於潞皆全爲私佔不過虛存淮鹽名目所真食淮鹽者江西惟南昌南康瑞臨饒九湖北惟武昌漢陽黃州沔陽湖南惟長沙與岳常澧三屬通計不過十數郡而八九百萬正雜之課出焉皆由江廣之民無分大小貧富殫終年之力輸之於商以登諸運庫世徒

知江浙之民力困於漕能見之能言之而不知
江廣之民力罄於鹽人不之見而亦無有言之
者也昔唐臣劉晏權天下之鹽始終其事十有
八年始得六百萬串今江廣十數郡之歲課實
更過之非由鹽價昂貴奚以致是然課不能減
卽鹽價無由而賤欲平鹽價亦惟有除陋規節
冗費稍省商運之成本而後可前經

欽差

臣

王鼎寶興會同

臣

刪革一切成本稍輕卽經

臣

查照從前部定價值酌減二成計湖廣鹽每

包八觔四兩江西每包七觔四兩均各定以每

包抵岸售價二錢六分五釐梁鹽加售一分安
鹽減售一分嗣經運司以腳價一切無不增昂
詳請

奏明酌增一二分由鹽道隨時議報統計每勛價
值三分有零按照時價不過四十餘文仍較部
價有減無增至於各處鹽價有昂至六七十文
者較私鹽不啻加倍此則水販與店舖所爲非
商人所得而預也凡商人運鹽赴楚至漢口而
止赴江西至南昌而止卽照所定之價發於水
販分運各府州縣由城鄉各店舖展轉售賣其

價卽與商人無涉溯查乾隆五十三年經前大學士公阿桂等定議試行鹽價至嘉慶六年始定以湖廣每包價三錢九釐零江西每包價二錢八分二釐零梁鹽每觔加售二釐迨嘉慶十三年因河工報効加增一分五釐二十三年奏請停止道光六年又因軍需河工加價二釐九年十二月奉

諭旨停止至於水販轉運向例每包准加銀五釐鋪戶零售准加銀九釐其水陸遠近按程計里加增火工運腳由地方官隨時酌覈載在鹽法志

大約湖廣應加運腳每包自一釐八毫至六分四毫，不等。江西自二釐至一分四釐，不等。亦經各督撫咨報有案。自道光十一年，臣等查照部價酌減二成之後，其時輪規既散，隨到隨銷，無能把持間值。天時人事之不齊，偶有增長爲數甚微。過時仍卽復原。現查湖廣鹽價，真梁每包二錢九分，每觔合制錢四十七八文。頂梁、白梁，以次遞減。江西銷市更滯，賣價更減，尙非騰貴。至於地方文武包庇增價，最爲惡習。臣查阿桂等前議試價摺內，卽言淮鹽費多利薄，辦運不

前皆因江西湖廣曾有奏定之價時或不能相符人人得以持其長短遂不免私出陋規陋規既興有增無減卽有時成本稍輕原可照價出售亦以費重不能復舊曾奉

特旨禁革自可無需索之事然弊根不去商情尙多顧慮未肯踴躍等語可見人情不甚相遠不但縱商擡價足以得規卽無端勒商減價亦無非爲規費地位臣愚以爲但能堅持散輪之議無從居奇卽無能擡價小有起跌在一二分內者已較部價爲輕自可聽其自然毋庸另議以免紛

擾致滋觀望惟本年場埔被水淹漫秋冬之交
更加雨雪連綿竈戶不能煎熬向來每引場價
不過三兩今已長至五兩內外蕩草蒲包亦因
歉收長價運本增重商情竭蹶屢次援案請復
從前部價均經臣與運司凱切駁斥然場竈如
此艱難轉運益形拮据察看商情實不免支持
喫力惟有咨明湖廣江西各督撫嚴飭地方文
武認真緝私以期銷路通暢藉資利運稍回元
氣至於水販舖戶其售賣價值有無增添例由
湖廣江西督撫按照地方道里情形酌覈辦理

亦卽移咨轉飭各州縣照例覈辦毋許私任加增倘有文武庇商擡價抑或勒指需索一經查出立即嚴叅懲辦一面飭令運司催商趕運不得以歉產本重希冀增價竝飭各鹽道設法疏銷外所有查議准鹽售價緣由理合恭摺覆

奏伏乞

皇上聖鑒謹

奏

道光十三年十二月十五日具

奏十四年正月十三日奉到

殊批知道了欽此

請將兩淮試用大使帥宗榆儘先補用摺片
再兩淮商運前於道光十一年夏秋之間因災
稽滯轉輸不繼曾經籌議在揚每引緩納課銀
一兩七錢俟到岸銷鹽補納誠恐岸商以待售
放期爲詞藉故延展卽經飭委在楚辦理岸務
之兩淮試用大使帥宗榆在岸按日催提由湖
北鹽道給批解揚並委該員在岸稽查賣價售
課以及岸店用賬楚省亦委令兼理塘角卡務
該員在楚查照引銀各數按限催提解揚計課
銀一百餘萬兩毫無遲延短絀課運餉需均資

接濟查辦岸務亦極認真該大使係湖北黃梅
縣鹽生遵酌增常例報捐分發兩淮試用茲於
本年八月間計丁憂在差次將及三載以一人
而兼理諸務不辭勞瘁悉臻妥協潔已奉公操
守尤爲廉謹似此清勤自愛實心急公之員今
雖丁艱回籍未便沒其微勞理合據實

奏懇

聖恩俯准將該大使帥宗榆俟服闋來淮遇有本班
缺出儘先補用以示獎勵據兩淮鹽運使俞德
淵具詳前來謹附片陳明伏乞

聖鑒訓示謹

奏

道光十三年十二月十五日附

奏十四年正月十三日奉到

硃批另有旨欽此同日奉到十三年十二月二十九日內閣奉

上諭陶澍奏請鼓勵鹽大使等語兩淮試用鹽大使帥宗榆在楚省辦理岸務按限催提課銀解揚毫無遲延短絀尙屬認真該員現在丁憂著俟服闋到淮遇有本班缺出儘先補用以示獎勵該部知

道欽此

保舉田松林堪勝總兵摺子

奏爲遵

旨保舉堪勝水師總兵之副將恭摺具

奏仰祈

聖鑒事竊

臣

於道光十二年閏九月接准部咨欽奉

上諭現在記名應用水師總兵人員將次用竣著於
水師副將內遴選堪勝總兵者保奏一二員等因

欽此

臣

以總兵爲專閫大員水師關係海洋尤

爲緊要必須情形熟悉統率有方始能整飭海

疆董率訓練而

臣

所轄水師僅止京口太湖兩

副將上年太湖協副將鮑起豹甫經補缺京口
協副將田松林歷俸二年辦事奮勇仍須歷練
不敢遽行保送於十二月內附片

奏明在案嗣准部咨欽奉

上諭著該督仍遵前旨務於水師副將內卽行遴選
堪勝總兵者保奏一二員等因欽此復經准部行
催臣查太湖協副將在任未久究須歷練惟有
京口協副將田松林年五十二歲江南通州人
由行伍歷拔狼鎮右營外海水師把總游陞江
南吳淞營外海水師叅將

奏陞今職該員本係外海水師出身自陞補副將
以來歷俸已逾二年辦事勇往居心誠實於水
師尤屬曉暢堪勝水師總兵之任謹出具考語
恭摺保

奏如蒙

俞允卽給咨赴部引

見恭候

欽定所有遵

旨保舉水師總兵緣由理合恭摺具

奏伏乞

皇上聖鑒訓示謹

奏

道光十三年十二月十五日具

奏十四年正月十三日奉到

硃批著送部引見欽此

祿批

所辦好

冬雪放晴暨漕船出江清高於黃各情形摺片
再江省自秋冬以來雨雪連綿漕米多損兌運
甚艱連日天氣放晴人情歡忭其回空各船經
過揚關惟江西船隻頗多夾帶私鹽內有贛州
幫旗丁周張鍾竟以一船帶至萬勛之多業經
撥起將失於覺察之運弁邵廷魁先行摘去頂
戴押船回次交糧道審訊懲辦以儆將來仍將
各船迅速督催隨查隨放於本月十二日全數
出江完竣趕緊歸次裴兌新漕至黃河水勢現
已涸落清高於黃二尺餘寸計日春風解凍儘

硃批

可謂喜出望外之事

有暢出刷沙之望氣象甚好堪以仰慰

聖懷合併附片縷陳謹

奏

道光十三年十二月十五日具

奏十四年正月十三日奉到

硃批知道了欽此

覆奏查明常郡被災普緩情形摺子

奏爲遵

旨查明常州府屬被災緩徵情形恭摺由驛覆

奏仰祈

聖鑒事 臣於十二月二十三日承准軍機大臣字寄

道光十三年十二月十五日奉

上諭本日林則徐奏查明常州府屬各縣被雨歉收
懇恩酌予緩徵一摺據稱常州府屬之武進等七
縣本年十月以後連被陰雨該撫親加查勘均係
由豐轉歉懇恩無分輕重區圖將武進陽湖二縣

本年新漕各於通縣普緩十分之二無錫縣普緩十分之二分六釐金匱縣普緩十分之二分四釐江陰宜興荆溪三縣各普緩十分之二分五釐又據稱該七縣被歉田畝既係無分區圖一律普緩所有區圖頃畝斗則圖冊卽無從分別查造應請免其造送等語各省府廳州縣由各該督撫奏請緩徵無論成災及勘不成災所有應緩錢漕均係覈計分數奏明辦理卽請緩十分中之幾分幾釐更須查勘明確以歸覈實且稱被歉田畝無分區圖一律普緩所有區圖頃畝斗則圖冊率

請免其造送試思請緩災區不行造具詳晰圖冊
報部何從查覈勾稽難保無吏胥朦混高下其手
該撫不卽查勘明確率行奏請著該督卽將常州
府屬續請緩徵各縣應緩十分中之幾分幾釐切
實查勘及圖冊免造有無朦混之處一併確查據
實奏聞仍將請緩各災區頃畝斗則圖冊分晰造
報迅卽查明具奏俟奏到時再降諭旨將此諭令
知之欽此

臣跪誦之下仰見

聖主厯念災區覈實紓緩之至意遵卽覆加確覈查
本年蘇省歉收情形與屢屆迥別常郡與蘇松

各屬勘辦又各不相同蓋屢屆災歉雖成於秋
間而其象先見於夏令或旱或澇儘可就田勢
之高低剔荒徵熟合計通境額田定爲十分中
之幾分幾釐今歲蘇省之歉收始於秋深之陰
寒成於冬令之雨雪非比尋常旱澇爲災可以
田畝高低爲之區別但當查辦蘇松等屬爲時
畧早尙可以在田未刈之禾分別輕重迨至常
郡爲時益遲先於秋災案內僅止勘辦沿江被
水之田其腹地雖已減色究比蘇松爲勝及至
十月間雷電交作雨雪連綿十一月間又復大

雨晝夜不絕以致已收稻穀帶濕堆貯蒸變發
芽其未收者漂落泥淖之中率多腐爛先據該
府縣稟請查辦經臣批飭查勘竝經蘇州藩司
委員報勘嗣撫臣林則徐因公過常恐該府縣
所稟未實隨卽親加察看府屬武進等七縣皆
因入冬以後轉稔爲歉覈其歉收分數各縣輕
重微有不同而就一縣之中田畝被雨歉收情
形均屬一律復據常州府汪河勘覆稟請一律
普緩撫臣林則徐因時已仲冬開徵緊要具
奏不敢稍稽卽據該府所稟勘定武進陽湖兩縣

應緩徵十分中之二分金匱縣應緩徵十分中之二分四釐江陰宜興荆溪三縣應緩徵十分中之二分五釐無錫縣應緩徵十分中之二分六釐繕摺會

臣具

奏彼時因事出倉猝非向來辦災所有所請緩徵之數雖有分釐之別其在一縣則悉從同謂可無須區區頃畝斗則圖冊竝可杜吏胥高下其手之弊未經計及定例緩徵全憑分數而分數總須圖冊誠如

聖諭請緩災區不行造具詳晰圖冊報部何從查覈

勾稽竝難保無吏胥朦混情事今奉

諭旨飭

臣

查勘

臣

遵卽覆查撫

臣

林則徐前次經過

常州本已親加履勘其請免造送圖冊冀欲事歸簡捷有涉踈率並無弊竇而每縣一律普緩吏胥無可軒輊實亦無從朦混現在收兌漕糧正當緊急之時各該縣士民皆因收成歉薄無力完納全漕情形實係拮据合無仰懇

聖恩俯照所請武進陽湖二縣本年新漕於通縣普緩十分之二無錫縣普緩十分中之二分六釐金匱縣普緩十分中之二分四釐江陰宜興荆

溪三縣各普緩十分中之二分五釐俾得儘力
徵輸免誤全漕感沐

皇仁實無既極其所緩之米仍照例於十四年秋成
後分作兩年帶徵緩剩之米仍於今年新漕催
徵交兌各該縣十四年上忙新賦並請查照漕

殊盡
糧普緩分數一律緩至該年秋後同下忙錢糧
一併啟徵陽湖金匱兩縣另有本年秋後應行

殊盡
帶徵十一年二限災緩銀米亦請一併遞緩至
十四年秋後帶徵本年挑竣孟瀆得勝澡港三

河原借

硃書

帑項亦請從道光十五年起分年攤徵歸款俾紓

民力

臣

仍遵

旨將各該縣現請緩徵田畝飭令蘇州藩司陳燮遴
員會同該府縣造具區圖頃畝斗則圖冊另送
以昭覈實而便勾稽其各該縣本年田畝之歉
收已在收割之時是以

奏辦稍遲至本年地漕銀兩已逾下忙全完之限
自應照舊徵輸以杜將完作欠徵多解少之弊
再蘇松等屬勘辦較早隨後亦被雨雪此時業
已晴霽情形能否不致加重新漕能否不致竭

蹶容臣與撫臣再悉妥籌設法趕緊辦理合併

陳明所有遵

旨覈查緣由因事關漕糧截數新運緊急謹由驛覆
奏伏乞

皇上聖鑒訓示謹

奏十四年正月十六日奉到

道光十三年十二月三十日由驛具

奏正月十六日奉到

硃批另有旨欽此同日奉到道光十四年正月初八
日內閣奉

上諭前據林則徐奏查明常州府屬各縣被雨歉收
請予緩徵並免造送圖冊當降旨令陶澍切實查
勘迅速具奏茲據該督由驛奏明常州府屬因秋
深陰寒冬令雨雪稻穀已收者蒸變發芽未收者
漂落泥淖其轉稔爲歉分數微有不同而就一縣
中被雨歉收情形均係一律若令完納全漕民力
實屬拮据加恩著照所請武進陽湖二縣上年新
漕於通縣普緩十分之二無錫縣普緩十分中之
二分六釐金匱縣普緩十分中之二分四釐江陰
宜興荆溪三縣各普緩十分中之二分五釐其所

緩之米仍照例於本年秋成後分作兩年帶徵緩
剩之米仍於十三年新漕催徵交兌各該縣本年
上忙新賦著查照漕糧普緩分數一律緩至本年
後同下忙錢糧一併啟徵陽湖金匱兩縣另有
上年秋後應行帶徵十一年二限災緩銀米亦著
一併遞緩至本年秋後帶徵上年挑竣孟瀆得勝
澡港三河原借帑項亦著從道光十五年起分年
攤徵歸款以紓民力仍飭該府縣造具區圖頃畝
斗則圖冊送部以昭覈實至上年地漕銀兩已逾
下忙全完之限著照舊徵收以杜將完作欠徵多

解少之弊該督撫卽刊刻謄黃遍行曉諭務令實
惠及民無任吏胥滋弊用副朕軫念災區至意該
部知道欽此

跋

宮保陶雲汀先生奏疏初刻於道光八年凡二十四
卷今續刻二十八卷撫蘇稿三卷撫蘇兼署督
稿一卷江督稿二十四卷起道光九年正月
至十三年十二月合初刻共五十二卷

黃冕

謹識